

LIGJ

Nr. 8990, date 23.1.2003

PER VLERESIMIN E NDIKIMIT NE MJEDIS

Ne mbështetje te neneve 78, 81 pika 1 dhe 83 pika 1 te Kushtetutës, me propozimin e Këshillit te Ministrave,

KUVENDI I REPUBLIKES SE SHQIPERISE

VENDOSI:

KREU I DISPOZITA TE PERGJITHSHME

Neni 1 Qëllimi

Ky ligj synon te siguroje:

- a) vlerësimin e përgjithshëm, te integruar dhe ne kohe te ndikimeve mjedisore, te projekteve ose veprimtarive qe kërkojnë te zbatohen, duke parandaluar dhe zbutur ndikimet negative ne mjedis;
- b) një proces vlerësimi te hapur dhe te administruar me paanshmëri, nëpërmjet pjesëmarrjes se organeve qendrore e vendore, te publikut, te organizatave jofitimprurëse për mjedisin, te propozuesit te projektit dhe te personave fizike dhe juridike, te specializuar ne këtë fushe.

Neni 2 Objekti

Ky ligj përcakton rregullat, procedurat, afatet, te drejtat dhe detyrat:

- a) për te identifikuar, saktësuar dhe vlerësuar ndikimet e drejtpërdrejta dhe te tërthorta te projektit ose veprimtarisë ne mjedisin ku do te zbatohen;
- b) për te krahasuar përparësitë dhe mangësitë e një projekti, te propozuar ne variante te tjera, te mundshme, qe përmbajnë ndryshime:
 - i) ne vendin ku do te zbatohet projekti;
 - ii) ne përmasat dhe kapacitetet e tij;
 - iii) ne teknologji;
 - iv) ne krahasimet me gjendjen e mjedisit, nëse nuk do te zbatohet projekti;
 - v) ne përcaktimin e masave për te parandaluar dhe zbutur dëmtimet ne mjedis;
- b) për te siguruar shqyrtim cilësor teknik, profesional, juridik dhe administrativ te kërkesës dhe te marrjes se vendimit nga organet përkatëse.

Neni 3 Përkufizime

Ne këtë ligj, fjalët e mëposhtme kane këto kuptime:

1. "Ndikimi mesatar i pranueshëm" është ndikimi negativ ne mjedis, i cili mund te pakësohet, nuk është i grumbulluar dhe nuk shkakton dëmtim te përhapur te mjedisit.

2. "Ndikimi i rëndësishëm" është ndikimi ne mjedis, i cili nuk pakësohet me lehtësi, grumbullohet dhe shkakton dëmzim te përhapur te mjedisit.
3. "Ndikimi i drejtpërdrejtë" është ndikimi i shkaktuar vetëm nga zbatimi i projektit te dhënë.
4. "Ndikimi i tërthortë" është ndikimi i grumbulluar kohe me pare ose i zhvendosur ne distance, por qe mund te parashikohet.
5. "Projekti" është:
 - a) zbatimi i veprave te ndërtimit, instalimeve ose skemave;
 - b) ndërhyrja ne mjedisin natyror dhe peizazh, duke përfshirë edhe shfrytëzimin e burimeve natyrore dhe te pasurive minerare.
6. "Klasifikimi" është procesi i shqyrtimit te raportit te përmbledhur te vlerësimit te ndikimit ne mjedis, për te kategorizuar një projekt, sipas shtojcave 1 e 2 te këtij ligji.
7. "Propozuesi" është personi fizik dhe juridik, qe kërkon miratimin e një projekti, plani, programi ose politike.

KREU II

VLERESIMI I NDIKIMIT NE MJEDIS

Neni 4

Projektet qe i nënshtrohen vlerësimit te ndikimit ne mjedis

1. Procesit te vlerësimit te ndikimit ne mjedis i nënshtrohen te gjitha projektet dhe veprimtaritë, qe jepen ne shtojcat 1 dhe 2 te këtij ligji, përpara miratimit te tyre nga organet përkatëse.
2. Projektet dhe veprimtaritë i nënshtrohen dy niveleve te shqyrtimit për vlerësimin e këtij ndikimi:
 - a) procesit te thelluar te vlerësimit te ndikimit ne mjedis;
 - b) procesit te përmbledhur te vlerësimit te ndikimit ne mjedis
3. Procesit te thelluar te vlerësimit te ndikimit ne mjedis i nënshtrohen projektet e shtojcës 1 dhe projektet e veprimtarisë qe kërkojnë te zbatohen ne një zone te mbrojtur ose ne mjedisin detar te Republikës se Shqipërisë.
4. Procesit te përmbledhur te vlerësimit te ndikimit ne mjedis i nënshtrohen projektet e shtojcës 2 dhe ndryshimet ose rikonstruksionet e projekteve te shtojcës 1.
5. Një projekt i shtojcës 2 do t'i nënshtrohet procesit te thelluar te vlerësimit te ndikimit ne mjedis, vetëm kur agjencia rajonale e mjedisit ose Ministria e Mjedisit, bazuar ne kriteret e shtojcës 3 te këtij ligji, gjykon se ai mund te këtë ndikim te rëndësishëm ne mjedis.

Neni 5

Vlerësimi strategjik mjedisor

1. Vlerësimit strategjik mjedisor i nënshtrohen:
 - a) strategjitë e planet e veprimit për energjetiken, minierat, industrinë, transportin, bujqësinë, pyjet, për administrimin e burimeve natyrore dhe te pasurive minerale dhe për administrimin e mbeturinave;
 - b) planet kombëtare dhe rajonale te rregullimit te territorit për qendrat e zonat urbane dhe rurale, për zonat industriale, për zonën bregdetare, për zonat turistike, për zonat e mbrojtura dhe zonat me ndjeshmëri te larte ndaj ndotjes dhe dëmtimit.
2. Organi shtetëror ose personi fizik ose juridik, qe paraqet një propozim, sipas pikës 1 te këtij neni, harton raportin e vlerësimit strategjik mjedisor dhe kërkon vlerësimin e tij nga Ministri i Mjedisit, përpara miratimit nga organet përkatëse. Vlerësimi jepet me deklaratën mjedisore, e cila publikohet.

3. Procedurat, afatet dhe detyrimet e palëve në të gjitha fazat e procesit të vlerësimit strategjik mjedisor janë të njëjta si për projektet që kërkojnë proces të thelluar të vlerësimit të ndikimit në mjedis.

KRED III PROCEDURAT E VLERESIMIT TE NDIKIMIT NE MJEDIS

Neni 6 Kërkesa për miratim

1. Kërkesën për miratimin e projektit dhe të dokumentacionit shoqërues, propozuesi i paraqet në agjencinë rajonale të mjedisit të qarkut ku do të zbatohet projekti ose do të ushtrohet veprimtaria.
2. Kërkesa përmban emrin, adresën, statusin juridik të propozuesit dhe projektin që propozohet për miratim.
3. Dokumentacioni shoqërues përmban:
 - a) për projektet që jepen në shtojcën 1, raportin e thelluar të vlerësimit të ndikimit në mjedis;
 - b) për projektet e shtojcës 2, raportin e përmbledhur të vlerësimit të ndikimit në mjedis.
4. Ministri i Mjedisit përcakton listën e dokumenteve që shoqërojnë kërkesën, sipas llojit dhe natyrës së projekteve ose veprimtarive që do të ushtrohen.

Neni 7 Raportet e vlerësimit të ndikimit në mjedis

1. Raporti i vlerësimit të ndikimit në mjedis është dokumenti bazë ku mbështetet procesi i vlerësimit mjedisor për projektin e propozuar.
2. Raportet hartohen nga persona fizike e juridike të licencuar, të zgjedhur, të kontraktuar dhe të shpërblyer nga propozuesi. Për vërtetësinë e të dhënave, të përfundimeve dhe rekomandimeve të raportit hartuesit mbajnë përgjegjësi, sipas ligjeve në fuqi.
3. Për hartimin e raportit të vlerësimit të ndikimit në mjedis përdoren edhe të dhëna nga organet publike, sipas kërkesave të ligjit nr.8503, datë 30.6.1999 "Për të drejtën e informimit për dokumentet zyrtare".
4. Me propozimin e Ministrit të Mjedisit, Këshilli i Ministrave miraton metrologjinë kombëtare të procesit të vlerësimit të ndikimit në mjedis, ku përcaktohen me hollësi metodikat dhe kërkesat për hartimin e raporteve të vlerësimit të ndikimit në mjedis dhe vlerësimit strategjik mjedisor.

Neni 8 Raporti i përmbledhur i vlerësimit të ndikimit në mjedis

Raporti i përmbledhur i vlerësimit të ndikimit në mjedis përmban:

- a) qëllimin e projektit;
- b) përshkrimin e tij të hollësishëm;
- c) të dhënat për mjedisin ekzistues të zonës ku zbatohet projekti dhe në afërsi të saj;
- ç) përshkrimin e hollësishëm të të gjitha instalimeve, që bëjnë pjesë në projekt ose që do të përdoren gjatë zbatimit të tij;
- d) planin e ndërtimit dhe afatet e zbatimit të tij;
- dh) përshkrimin e veprave inxhinierive, që ndërtohen ose zgjerohen dhe të veprave

- te domosdoshme për zbatimin e projektit;
- e) ndikimet e mundshme ne mjedis dhe masat e propozuara për parandalimin dhe zbutjen e tyre;
 - e) programin e monitorimit te ndikimit ne mjedis te projektit;
 - f) përputhjen e projektit me planet e rregullimit te territorit dhe me planet e zhvillimit ekonomik te zonës ku do te zbatohet projekti;
 - g) përmbledhjen e këshillimeve me organet e qeverisjes vendore, publikun e organizatat jofitimprurëse për mjedisin dhe te mendimeve te tyre;
 - gj) masat rehabilituese, ne rast ndotjeje dhe dëmtimi te mjedisit, si dhe koston e tyre;
 - h) kopjen e licencës se personit fizik ose juridik, qe ka përgatitur raportin e vlerësimit te ndikimit ne mjedis.

Neni 9

Raporti i thelluar i vlerësimit te ndikimit ne mjedis

Raporti i thelluar i vlerësimit te ndikimit ne mjedis, veç te dhënave te raportit te përmbledhur, përmban edhe:

- a) procedurën dhe arsyet e përzgjedhjes se vendit ku do te zbatohet projekti, përshkrimin, te paktën edhe te dy varianteve te tjera, për lokalizimin e projektit;
- b) masën e ndikimit te tij te drejtpërdrejtë dhe te tërthortë ne mjedis;
- c) ndikimet e mundshme te varianteve ne mjedis e shëndet;
- ç) rreziqet për aksidente me ndikim te rëndësishëm ne shëndet e mjedis dhe masat për parandalimin e tyre;
- d) ndikimin ndërkuftar ne mjedis, nëse ka;
- dh) planin e masave me karakter teknik, për te parandaluar dhe zbutur ndikimet negative ne mjedis;
- e) përshkrime te hollësishme për përdorimin e qëndrueshëm te energjisë, te burimeve natyrore e minerare;
- ë) planin e bashkëbisedimeve te pritshme me organet e qeverisjes vendore, publikun e organizatat jofitimprurëse për mjedisin gjate fazave te planifikimit, shqyrtimit dhe zbatimit te projektit.

Neni 10

Shqyrtimi fillestar

Agjencia rajonale e mjedisit, brenda 5 ditëve nga marrja ne dorëzim e kërkesës, bën shqyrtimin fillestar te dokumentacionit dhe:

- a) pranon për shqyrtim kërkesën dhe dokumentacionin shoqërues, nëse janë respektuar kërkesat e neneve 8 dhe 9 te këtij ligji dhe kërkon te paktën 5 kopje ne gjuhen shqipe te raportit te vlerësimit te ndikimit ne mjedis;
- b) hedh poshtë kërkesën, nëse dokumentet nuk janë hartuar sipas kërkesave te neneve 8 deri ne 11 dhe njofton me shkrim propozuesin për plotësimet e rregullimet qe duhet t'u beje dokumenteve;
- c) procedurat e shqyrtimit te kërkesës nuk fillojnë nëse propozuesi nuk dorëzon dokumentacionin e plotësuar ose te korrigjuar.

Neni 11

Klasifikimi i kërkesës

1. Agjencia rajonale e mjedisit, ne bashkëpunim me propozuesin, brenda 5 ditëve nga data e marrjes ne dorëzim te kërkesës, bën klasifikimin e projektit te propozuar, sipas shtojcave 1 dhe 2 dhe vendos nëse ai do t'i nënshtrohet procesit te thelluar te vlerësimit te ndikimit ne mjedis.
2. Kur propozuesi e ka përfshirë raportin e thelluar te vlerësimit te ndikimit ne mjedis ne dokumentacionin e dorëzuar, klasifikimi vlerësohet i kryer.

Neni 12

Procesi i thelluar i vlerësimit te ndikimit ne mjedis

1. Kur nga klasifikimi rezulton se projekti i nënshtrohet procesit te thelluar te vlerësimit te ndikimit ne mjedis, agjencia rajonale e mjedisit i kërkon, me shkrim, propozuesit te paraqesë raportin e thelluar te vlerësimit te ndikimit ne mjedis.
2. Këtë vendim agjencia rajonale e mjedisit ua njofton Ministrisë se Mjedisit, organeve qe japin licencat e ndërtimit dhe te veprimtarisë, si dhe organeve te qeverisjes vendore te zonës ku do te zbatohet projekti.
3. Ndaj vendimit te agjencisë rajonale te mjedisit, propozuesi mund te ankohet te Ministri i Mjedisit brenda 10 ditëve nga data e njoftimit te vendimit, i cili shpall vendimin përfundimtar brenda 10 ditëve nga data e depozitimit te ankimit.

Neni 13

Ndryshimet ne projekt

1. Kur propozuesi kërkon te beje ndryshime ne projekt ose ne mënyrën e zbatimit te tij, gjate kohës qe kërkesa ka hyre ne procedurat e shqyrtimit, ia paraqet ato, me shkrim, agjencisë rajonale te mjedisit, qe ka pranuar kërkesën.
2. Agjencia rajonale e mjedisit ose Ministria e Mjedisit pranon ndryshimet e propozuara, kur ndryshimet ne projekt ose ne mënyrën e zbatimit te tij janë te qarta e te sakta dhe nëse ka mundësi reale për shqyrtimin e tyre. Ne njoftimin e pranimit, propozuesit i behet e ditur edhe zgjatja e afateve te shqyrtimit për shkak te ndryshimeve.
3. Kur ndryshimet e propozuara janë te paqarta, agjencia rajonale e mjedisit ose Ministria e Mjedisit hedh poshtë, me shkrim, pranimin e ndryshimeve dhe i kërkon propozuesit t'i riparaqese ato.
4. Kur ndryshimet e propozuara janë aq te thella sa përbejnë një projekt te ri, agjencia rajonale e mjedisit ose Ministria e Mjedisit hedh poshtë, me shkrim, pranimin e ndryshimeve dhe i sugjeron propozuesit te nise procedurat për vlerësimin e projektit te ri.
5. Ndaj mospranimit te ndryshimeve, propozuesi mund te ankohet ne gjykate brenda 30 ditëve nga marrja e njoftimit.

Neni 14

Mendimi i agjencisë rajonale te mjedisit

1. Agjencia rajonale e mjedisit, pasi këqyr ne vend te dhënat e paraqitura ne raportin e vlerësimit te ndikimit ne mjedis dhe ne te gjitha dokumentet e tjera, këshillohet me organet e qeverisjes vendore, te zhvillimit urban dhe turistik dhe përgatit, me shkrim, mendimin e vet te argumentuar, për miratimin ose mospranimin e projektit, si dhe propozon kushtet qe duhen vendosur ne dokumentin e miratimit, te cilat i përcjell ne Ministrinë e Mjedisit brenda 20 ditëve kalendarike nga pranimi i kërkesës për shqyrtim.
2. Përshkrimi i hollësishëm i detyrave te agjencisë rajonale te mjedisit ne procesin e vlerësimit te ndikimit ne mjedis përcaktohen me udhëzim te Ministrit te Mjedisit.

Neni 15 Afatet

1. Afatet e procesit të shqyrtimit nisin me dorëzimin e kërkesës së propozuesit nga agjencia rajonale e mjedisit në Ministrinë e Mjedisit dhe përfundojnë me shpalljen e vendimit nga Ministri i Mjedisit.
2. Koha prej 20 ditësh kalendarike nga data e pranimit të kërkesës nga agjencia rajonale e mjedisit deri në dorëzimin e saj në Ministrinë e Mjedisit, është fazë përgatitore.
3. Për projektet që kërkojnë një proces vlerësimi të thelluar, shqyrtimi bëhet brenda 3 muajve nga data që agjencia rajonale e mjedisit ka përcjellë kërkesën në Ministrinë e Mjedisit. Për projektet që kërkojnë një proces vlerësimi të përmbledhur, shqyrtimi bëhet brenda 2 muajve.
4. Koha gjatë së cilës propozuesi bën ndërhyrjet për plotësim kërkesash, të dhënash, dokumentesh, shqyrtim ankimesh, zbritet nga afatet e detyrueshme për Ministrinë e Mjedisit.

Neni 16 Komisioni i shqyrtimit të kërkesave

1. Ministri i Mjedisit ngre komisionin e shqyrtimit të kërkesave, i cili propozon vendimet. Përbërja, detyrat dhe funksionimi i komisionit përcaktohen në rregulloren e tij, të miratuar nga Ministri i Mjedisit, duke synuar që në të përfaqësohen të gjitha aspektet e mjedisit.
2. Nëse gjatë shqyrtimit vërehet se projekti, ndryshe nga klasifikimi i agjencisë rajonale të mjedisit, kërkon proces të thelluar të vlerësimit të ndikimit në mjedis dhe kur dokumentacioni nuk përmban të dhënat e nevojshme, propozuesi detyrohet t'i paraqesë ato në Ministrinë e Mjedisit, për të vazhduar procedurën e shqyrtimit.

Neni 17 Kriteret e shqyrtimit

1. Shqyrtimi i kërkesës nga komisioni bëhet në baze të kriterëve të shqyrtimit që kanë të bëjnë me:
 - a) verifikimin e shkallës së ndikimit në mjedis;
 - b) përputhshmërinë e projektit me planet kombëtare dhe rajonale të zhvillimit ekonomik e shoqëror dhe me planet e rregullimit të territorit;
 - c) mundësitë e propozuesit për të përballuar kostot e rehabilitimit të mjedisit të ndotur dhe të dëmtuar nga veprimtaria e tij;
 - ç) aftësitë teknike e teknologjike të projektit për të zbatuar kërkesat për parandalimin e ndotjes dhe të dëmtimit të mjedisit;
 - c) marrjen parasysh të mendimeve të palëve të interesuara.
2. Mbledhja e komisionit për shqyrtimin e kërkesave është e hapur për publikun e interesuar, organizatat jofitimprurëse për mjedisin, propozuesin dhe mediet.

Neni 18 Specialistet

1. Ministri i Mjedisit, për të siguruar kapacitetet e nevojshme dhe nivel të lartë profesional në shqyrtimin e kërkesës, angazhon specialiste, persona fizike e juridike, vendas ose të huaj, të licencuar dhe me përvojë në fushën e parashikimit të vlerësimit të ndikimit në mjedis.
2. Specialistet përgatisin, me shkrim, mendimet e tyre, thirren në mbledhjet e komisionit dhe japin shpjegimet e kërkuara.

3. Specialisti që ka marrë pjesë në hartimin e raportit të vlerësimit të ndikimit në mjedis të projektit, nuk mund të thirret për shqyrtimin e atij projekti.
4. Specialistet, për punën që bëjnë, shpërblehen sipas rregullave të përcaktuara nga Këshilli i Ministrave, me propozimin e Ministrit të Mjedisit dhe të Ministrit të Financave.

Neni 19

Këshillimi me palët e interesuara

Ministri i Mjedisit kërkon mendim nëse projekti është në përputhje me programet e planet kombëtare e rajonale të zhvillimit dhe për shkallen e pritshme të ndikimit në mjedis, duke ua dërguar përshkrimin e projektit dhe raportin e thelluar të vlerësimit të ndikimit në mjedis:

- a) organeve qendrore, që mbulojnë fushën e objektit të projektit;
- b) organeve të zhvillimit urban dhe turistik;
- c) organeve të qeverisjes vendore të zonës ku do të zbatohet projekti;
- ç) instituteve të specializuara për parashikimin e ndikimit në mjedis.

Neni 20

Debati publik

1. Projekti dhe raporti i vlerësimit të ndikimit në mjedis i nënshtrohen debatit publik, ku marrin pjesë përfaqësues të ministrisë që licencën projektin, të organeve të rregullimit të territorit dhe turizmit, të organeve të qeverisjes vendore, të instituteve të specializuara, të publikut të interesuar, të organizatave jofitimprurëse për mjedisin dhe propozuesi.
2. Debati organizohet dhe drejtohet nga organi i qeverisjes vendore, ku do të zbatohet projekti, i cili brenda 5 ditëve pas marrjes së kërkesës për këshillim nga Ministri i Mjedisit:
 - a) njofton publikun dhe organizatat jofitimprurëse për mjedisin dhe ve në dispozicion të tyre raportin e vlerësimit të ndikimit në mjedis për 1 muaj;
 - b) në bashkëpunim me Ministrinë e Mjedisit dhe propozuesin, cakton ditën e debatit, njofton pjesëmarrësit 10 dite përpara dhe, brenda afatit njëmuajor, organizon debatin e hapur me të gjithë të interesuarit.
3. Nëse në përfundim të debatit palët pjesëmarrëse nuk dërgojnë mendimet e tyre në Ministrinë e Mjedisit, komisioni i shqyrtimit vazhdon procedurat.

Neni 21

Rezultati i shqyrtimit

1. Pas shqyrtimit të dokumentacionit, përfshirë edhe atë të hartuar gjatë procesit të shqyrtimit, komisioni përgatit raportin përfundimtar.
2. Raporti përfundimtar përmban propozimin për miratimin e kërkesës së hartuar në formën e deklaratës ose të lejes mjedisore ose mospranimin e argumentuar të kërkesës.

Neni 22

Marrja e vendimit

1. Brenda 5 ditëve nga dorëzimi i raportit të komisionit, Ministri i Mjedisit merr vendimin përkatës duke shpallur deklaratën ose lejen mjedisore.
2. Deklarata mjedisore përmban:
 - a) normat e shkarkimeve të ndotësve të pritshëm në ajër, ujë dhe toke;
 - b) masat e detyrueshme që mbështeten në teknikat me të mira të mundshme të ndërtimit dhe vënies në punë të projektit;

- c) masat e detyrueshme për mbrojtjen e ajrit, ujit, tokës, biodiversitetit dhe për te penguar transferimin e ndotjes nga një përbërës i mjedisit te një tjetër;
 - ç) kërkesat për monitorimin e shkarkimeve, duke përcaktuar metodiken e matjeve, frekuencën e tyre, procedurën e vlerësimit dhe publikimin e rezultateve;
 - d) kushtet për kufizimin e ndotjes ndërkufitare mbi normat e lejuara;
 - dh) masat shtese për te mos tejkaluar normat e cilësisë se mjedisit;
 - e) kërkesën për te raportuar dhe krahasuar ndikimet e parashikuara gjate hartimit te raportit te ndikimit ne mjedis, me efektet reale te zbatimit te projektit.
3. Kur ne vendim hidhet poshtë kërkesa, deklarata mjedisore përmban argumentimin e plote te mospranimit nga pikëpamja mjedisore, teknike, ligjore dhe administrative.
Propozuesi mund ta paraqesë kërkesën dhe dokumentacionin shoqërues jo me pare se 1 vit nga data e mospranimit te saj.

Neni 23

Njoftimi dhe ankimi ndaj vendimit

1. Ministri i Mjedisit njofton vendimin e tij, i cili publikohet dhe një kopje e deklaratës ose e lejes mjedisore u dërgohet propozuesit, organeve shtetërore qe licencojnë veprimtarinë dhe organeve te qeverisjes vendore te zonës ku do te zbatohet projekti.
2. Kundër vendimit propozuesi mund te ankohet ne gjykate brenda 30 ditëve nga publikimi i tij.

Neni 24

Respektimi i kushteve mjedisore

1. Kushtet dhe kërkesat e përcaktuara ne deklaratën mjedisore mbahen parasysht nga këshillat e rregullimit te territorit, duke u përfshirë ne përmbajtjen e lejeve te ndërtimit.
2. Projektet dhe veprimtaritë qe jepen ne shtojcat 1 dhe 2 zbatohen vetëm ne përputhje me kushtet e vendosura ne deklaratën mjedisore, ne lejen mjedisore dhe ne lejen e ndërtimit.
3. Projektet e shtojcave 1 dhe 2 nuk licencohen nga organet përkatëse, nëse nuk u janë nënshtruar procesit te vlerësimit te ndikimit ne mjedis dhe për to nuk është miratuar deklarata mjedisore.

Neni 25

Anulimi

1. Ministri i Mjedisit anulon, ne çdo kohe, deklaratën ose lejen mjedisore te miratuar prej tij, kur vërteton se ato i ka lëshuar mbi dokumente te falsifikuara. Anulimi publikohet dhe kopja e tij u dërgohet organit licencies, organit te qeverisjes vendore te zonës ku zbatohet projekti dhe propozuesit.
2. Projekti dhe veprimtaria, te cilave u është anuluar deklarata ose leja mjedisore, pezullohen nga Inspektorati i Mjedisit, ne bashkëpunim me Policinë Ndërtimore, por jo me pak se 3 muaj deri ne 1 vit, kohe brenda se cilës përgatiten dhe riparaqiten kërkesa dhe dokumentet për shqyrtim.
3. Nëse propozuesi nuk paraqit dokumente brenda kohës se caktuar, Inspektorati i Mjedisit, ne bashkëpunim me Policinë Ndërtimore dhe inspektoratin e organit licencies, urdhëron mbylljen e përhershme te veprimtarisë. Urdhrrat për pezullimin dhe mbylljen e përhershme te veprimtarisë publikohen dhe kopje te tyre u dërgohen organit te qeverisjes vendore te zonës ku zbatohet projekti dhe propozuesit.
4. Ndaj urdhrave për pezullimin ose për mbylljen e përhershme te veprimtarisë,

propozuesi mund te ankohet te Ministri i Mjedisit brenda 10 ditëve nga marrja e njoftimit, i cili përgjigjet brenda 20 ditëve nga marrja e ankimit. Ndaj vendimit te Ministrit, propozuesi mund te ankohet ne gjykate brenda 30 ditëve nga marrja e njoftimit.

Neni 26

Pjesëmarrja e publikut

1. Publiku i interesuar dhe organizatat jofitimprurëse për mjedisin marrin pjese ne te gjitha fazat e procesit te vlerësimit te ndikimit ne mjedis, përfshi dhe vendimmarrjen. Ministri i Mjedisit përcakton me aktnormativ te veçante detyrat e organeve mjedisore, për te siguruar pjesëmarrjen e publikut dhe te organizatave jofitimprurëse për mjedisin ne këtë proces.
2. Kur publiku i interesuar dhe organizatat jofitimprurëse për mjedisin vërejnë parregullsi ne procesin e vlerësimit te ndikimit ne mjedis, i kërkojnë Ministrit te Mjedisit rishqyrtimin pjesor ose tërësor te procesit te vlerësimit te ndikimit ne mjedis, i cili përgjigjet brenda 20 ditëve nga marrja e kërkesës.

Neni

27 Komunikimi me propozuesin

Ministria e Mjedisit dhe agjencia rajonale e mjedisit mbajnë vazhdimisht ne dijeni propozuesin, duke e njoftuar zyrtarisht për qëndrimet dhe veprimet qe ndërmarrin gjate gjithë procesit te shqyrtimit te kërkesës.

Neni 28

Tërheqja e kërkesës

1. Propozuesi mund ta tërheqë kërkesën qe ka paraqitur për vlerësimin e ndikimit ne mjedis te një strategjie, plani veprimi, projekti ose veprimtarie, ne çdo kohe e ne çdo faze te shqyrtimit te saj, duke njoftuar me shkrim agjencinë rajonale te mjedisit ku ka dorëzuar kërkesën.
2. Ne këtë rast, Ministri i Mjedisit urdhëron ndërprerjen e shqyrtimit te kërkesës dhe arkivimin e te gjithë dokumentacionit te paraqitur e te hartuar gjate shqyrtimit, i cili nuk i kthehet propozuesit. Propozuesi paguan shpenzimet qe ka here Ministria e Mjedisit për shqyrtimin e kërkesës deri ne çastin e tërheqjes se saj.
3. Kërkesa mund te riparaqitet për shqyrtim, por jo me pare se 1 vit nga data e tërheqjes,

Neni 29

Ruajtja e dokumentacionit

1. Ministria e Mjedisit ruan te gjithë dokumentacionin e procesit te vlerësimit te ndikimit ne mjedis, jo me pak se 15 vjet nga marrja e vendimit. Ruajtja dhe administrimi i tij bëhen sipas legjisllacionit ne fuqi.
2. Propozuesi, për nevojat e veta, mund te kërkojë kopje te dokumentacionit ose te pjesëve te tij, duke paraqitur kërkesë me shkrim ne Ministrinë e Mjedisit, e cila e plotëson kërkesën brenda 15 ditëve nga marrja e saj. Për këtë shërbim propozuesi paguan tarife, sipas rregullave te përcaktuara nga Ministri i Mjedisit.
3. Çdo person fizik dhe juridik ka te drejte te njihet me dokumentacionin e arkivuar te propozuesit, duke zbatuar kërkesat e udhëzimit për kërkimin dhe marrjen e te dhënave për dokumentet zyrtare, te miratuara nga Ministri i Mjedisit.

Neni 30

Përballimi i shpenzimeve

1. Shpenzimet e përgatitjes së raportit të vlerësimit të ndikimit në mjedis, të diskutimit publik, të shqyrtimit dhe këshillimit, përballohen nga propozuesi.
2. Shpenzimet e bëra nga agjencia rajonale e mjedisit dhe Ministria e Mjedisit për shqyrtimin e kërkesës dhe marrjen e vendimit, vlerësohen si tarife shërbimi. Vlera e kësaj tarife përfshin të gjitha shpenzimet administrative gjatë procesit të shqyrtimit dhe marrjes së vendimit dhe përcaktohet me udhëzim të Ministrit të Mjedisit.
3. Propozuesi likuidon një të tretën e tarifës, kur dorëzon kërkesën për shqyrtim, dhe dy të tretat përpara shqyrtimit përfundimtar në komision. Kërkesa nuk merret në dorëzim nga agjencia rajonale e mjedisit dhe komisioni nuk fillon shqyrtimin nëse propozuesi nuk ka bërë pagesat.
4. Tarifa e paguar është e pakthyeshme, pavarësisht nga fakti nëse kërkesa miratohet ose jo me vendimin përfundimtar.

Neni 31

Kundërvajtjet administrative

1. Bërja e deklaratave, hartimi i dokumenteve ose dhënia e informacioneve të rreme me qëllim sigurimin e miratimit të kërkesës, përbën kundërvajtje administrative dhe dënohet me gjobe nga 50 mijë deri në 300 mijë leke, sipas rëndësisë së kundërvajtjes.
2. Gjoha vendoset dhe ekzekutohet nga Inspektorati i Mjedisit. Kundër saj mund të bëhet ankimi te Ministri i Mjedisit brenda 10 ditëve, i cili duhet t'i përgjigjet ankimit brenda 15 ditëve nga depozitimi.
3. Kundër vendimit të Ministrit të Mjedisit ose kur ky i fundit nuk përgjigjet brenda 15 ditëve, mund të bëhet ankimi brenda 30 ditëve në gjykatë.
4. Kur këto shkelje përbejnë veprë penale, Ministria e Mjedisit bën kallëzimin për ndjekje penale.

KREUIV

DISPOZITA TË FUNDIT

Neni 32

Detyrimi për zbatim

Dispozitat e këtij ligji zbatohen edhe në rastet kur personi fizik ose juridik kërkon të bëjë ndryshime të rëndësishme në projektet e miratuara para hyrjes në fuqi të këtij ligji.

Neni 33

Aktet nënligjore

Ngarkohet Këshilli i Ministrave të nxjerrë aktet nënligjore në zbatim të nenit 7 pika 4 dhe nenit 18 pika 4 të këtij ligji.

Ngarkohet Ministri i Mjedisit të nxjerrë urdhrat dhe udhëzimet në zbatim të nenit 6 pika 4, nenit 14 pika 2, nenit 16 pika 1, nenit 26 pika 1, nenit 29 pikat 2 dhe 3 dhe nenit 30 pika 2 të këtij ligji.

Neni 34

Hyrja në fuqi

Ky ligj hyn ne fuqi 15 dite pas botimit ne Fletoren Zyrtare.

Shpallur me dekretin nr. 3681, date 10.2.2003 te Presidentit te Republikës se Shqipërisë,
Alfred Moisiu.

SHTOJCA 1

VEPRIMTARI QE I NENSHTROHEN PROCESIT TE THELLUAR TE VLERESIMIT TE NDIKIMIT NE MJEDIS

1. Rafineritë e naftës dhe gazit, lëngëzimi dhe përpunimi i qymyrit dhe rërave bituminoze, impiante për rigjenerimin e vajrave te përdorur me te larte se 100000 tone/vit.
2. Termocentrale te prodhimit te energjisë dhe impiante te tjera te djegies me prodhim nxehtësie me te madhe se 50 MV.
3. Hidrocentrale.
4. Uzina te shkrirjes se mineraleve (duke përfshirë mineralet qe përmbajnë squfur).
5. Kalcinimi dhe pjekja e mineraleve qe përmbajnë elemente toksike si zhiva, arseniku dhe kadmiumi.
6. Uzinat për derdhjen e gizës dhe çelikut (bashkimi primar ose sekondar), duke përfshirë derdhjen e vazhdueshme.
7. Uzinat ose fonderitë për përpunimin e metaleve te hekurit:
 - uzina te petëzimit;
 - kovaçhana me cekice, energjia e te cilave i kalon 50 KJ për cekici, ndërsa fuqia kalorifike e përdorur i kalon 20 MV;
 - aplikimi i veshjeve mbrojtëse me metal te përzier me një input qe i kalon 1 ton te çelikut brute ne ore.
8. Fonderi te metaleve te hekurit me një kapacitet prodhimi qe i kalon 100 tone ne dite.
9. Fonderi ose uzina për:
 - prodhimin e metaleve me ngjyra dhe metaleve joferrike nga mineralet, koncentratet ose lendet dytësore te proceseve metalurgjike, kimike, elektrolitike;
 - shkrirjen, përfshirë përzierjen e metaleve me ngjyre, përfshirë produktet e rikuperuara (rafinimi, derdhja ne fonderi etj.) me një kapacitet shkrirjeje qe i kalon 1 ton ne dite për plumbin dhe kadmiumin ose 10 tone ne dite për te gjitha metalet.
10. Uzina për trajtimet sipërfaqësore te metaleve dhe materialeve plastike, duke përdorur një proces elektrolitik ose kimik ne te cilin vëllimi i vateve te trajtimit i kalon 10 m³.
11. Prodhimi dhe përpunimi i aliazheve për metale joferrike qe përmbajnë arsenik, zhive dhe plumb me kapacitet me te larte se 1000 tone ne vit.
12. Nxjerrja dhe përpunimi i qymyrit, linjitit dhe mineraleve bitume ne me kapacitete me te larta se 50 000 tone ne vit.
13. Nxjerrja e naftës me kapacitete me te larta se 50000 tone/vit.
14. Nxjerrja e gazit natyror për qëllime tregtimi, ku sasia e nxjerre është me e larte se 250 000 m³ dite për gazin natyror.
15. Fabrika për prodhimin e çimentos ne furra rrotulluese (pjekje e tharje) me një kapacitet prodhues qe i kalon 300 tone ne dite ose për prodhimin e gëlqeres ne furra rrotulluese me një kapacitet prodhues qe i kalon 30 tone ne dite ose ne furnalta te tjera me një kapacitet prodhues qe i kalon 30 tone ne dite.
16. Fabrika për prodhimin e qelqit, përfshirë fibrat e xhamit me një kapacitet shkrirjeje qe i kalon 10 tone ne dite.

17. Fonderi për shkrirjen e substancave minerale, përfshirë prodhimin e fibrave minerale me kapacitet shkrirës që i kalon 10 tone në ditë.
18. Fabrika për prodhimin e prodhimeve qeramike me ane të zjarrit e në veçanti tjegulla, tulla, tulla refraktare ose porcelani, me një kapacitet prodhues që i kalon 30 tone në ditë.
19. Nxjerrja e gurëve dhe minierat e hapura të argjilave, ku sipërfaqja e vendit është me e lartë se 5 hektarë, ose nxjerrja e tortës, ku sipërfaqja e vendit është me e madhe se 50 hektarë.
20. Prodhimi i fibrave të kartonit mbi 100 000 m²/vit.
21. Prodhimi i mobilieve me kapacitete mbi 10000 m³/vit lende e pare.
22. Vepra të integruara për prodhimin në shkallë industriale të substancave ose grupeve të substancave të listuara në paragrafët (a-g) me ane të proceseve kimike:
- (a) Për prodhimin e kimikateve organike baze të tilla si:
- hidrokarbure të thjeshta (lineare ose ciklike, të ngopura ose të pangopura, alifatike ose aromatike);
 - hidrokarbure që përmbajnë oksigjen të tilla si: alkoole, aldehide, ketone, acide karboksilike, etere, aceton, perokside, rrëshirë;
 - hidrokarbure sulfurike;
 - hidrokarbure të azotit të tilla si amine, amide, përbërës të azotit, përbërës të nitratit, nitrile, sianete, izocianate;
 - hidrokarbure që përmbajnë fosfor;
 - hidrokarbure halogjenë;
 - përbërës organometalik;
 - materiale plastike baze (polimere, fibra sintetike dhe fibra me baze celuloze);
 - goma sintetike;
 - ngjyroses dhe pigmente;
 - agjente aktive sipërfaqësore dhe sipërfaqësues.
- (b) Për prodhimin e kimikateve inorganike baze, të tilla si:
- gaze të tilla si amoniaku, klori ose klorur hidrogjeni, fluori ose fluor hidrogjeni, dioksidi i karbonit, përbërësit e squfurit, hidrogjeni, dioksidi i squfurit, kloruri i karbonilit;
 - acide të tilla si acidi i kromit, acidi hidrofluorik, acidi fosforik, acidi nitrik, acidi klorhidrik, acidi sulfurik, oleumi dhe acidi sulfuror;
 - bazat, të tilla si hidroksidi i amonit, hidroksidi i kaliumit, hidroksidi i natriumit;
 - kripëra të tilla si kloruri i amonit, kloratet e kaliumit, karbonati i kaliumit, karbonati i natriumit, perboratet, nitrati i argjendit;
 - jo metalet, oksidet e metaleve ose komponime të tjera organike si karbiti i kaliumit, silicit, karburi i silicit.
- (c) Për prodhimin e plehrave me baze fosfatike ose fosfatike azotike (plehra të thjeshta ose të përbëra);
- (ç) Për prodhimin e produkteve me baze bimore shëndetësore dhe të biocideve;
- (d) Impiantet që përdorin proceset kimike ose biologjike për prodhimin e produkteve me baze farmaceutike, bojërave dhe pesticideve;
- (dh) Impiante kimike për prodhimin e lendeve shpërthyesë;
- (e) Impiantet kimike që prodhojnë shtesa ushqimore proteinike, fermente dhe substanca të tjera proteinike me rrugë kimike ose biologjike;
23. Impiante për djegie, rikuperim, trajtim kimik, ose groposje të mbeturinave të rrezikshme.
24. Impiante për djegien e mbeturinave urbane me kapacitet me të madh se 1 tone/ore.
25. Fushat për depozitim të mbeturinave jo të rrezikshme me kapacitet me të madh se 30 tone/ ditë.
26. Ndërtimi i linjave për trafikun hekurudhor në distance të gjata dhe për aeroporte me rrugë kalimi baze me të madhe ose të barabarte me 2100 m.

27. N dertimi i një rruge te re me dy ose me shume korsi, ose rirreshtimi ose zgjerimi i një rruge ekzistuese me dy ose me pak korsi kur do te sigurohen dy ose me shume korsi, ne te cilën kjo rruge e re ose seksion i rreshtuar dhe/ose i zgjeruar i rrugës duhet te jete 5 km ose me shume ne vazhdimësi.
28. Rrugët e kalimit te ujerave te brendshme dhe portet për trafikun e rrugëve te kalimit te ujërave te brendshme qe lejon kalimin e anijeve me tonazh mbi 500 tone.
29. Portet e tregtimit, molot për ngarkim-shkarkim te lidhura me token ose porte te jashtme (duke përjashtuar molot hekurudhore), te cilat mund te marrin anije me tonazh me te madh se 1000 tone.
30. Nxjerrja e ujerave nëntokësore ose skemat artificiale te ringarkimit te ujerave nëntokësore, ku vëllimi vjetor i ujit te tërhequr ose te rimbushur (ringarkuar) është i barabarte ose me i madh se 5 milionë m³.
31. Punime për transferimin e burimeve ujore nga basenet e lumenjve, ku transferimi synon te rrugëkalimet e shkurtuara parandaluese te ujerave dhe ku sasia e ujerave te transferuara është me e madhe se 100 milionë m³/vit.
32. Ne te gjitha rastet, punimet për transferimin e burimeve ujore nga basenet e lumenjve ku rrjedha shumëvjeçare e basenit është me e madhe se 1000 milionë m³/vit dhe ku sasia e ujerave te transferuara është me e madhe se 5 për qind e kësaj rrjedhjeje. Ne te dyja rastet përjashtohet transferimi i ujit te pijshëm me tubacione.
33. Digat dhe rezervuarët e tjera te projektuar për mbrojtjen ose depozitimin e ujit, ku një sasi shtese e ujit është me e madhe se 5 milionë m³.
34. Tubacionet për transportimin e produkteve te naftës ose kimikateve me diametër me te madh se 500 mm dhe një gjatësi me te madhe se 10 km.
35. Impiantet për rritjen intensive te shpendëve, derrave e bagëtive te imëta qe kane me shume se:
- 10 000 shpendë;
 - 500 derra;
 - 1000 bagëti te imëta;
36. Ndërtimi i linjave elektrike te tensionit te larte, me një voltazh minimumi 220 KV ose me një gjatësi me te madhe se 10 km;
37. Impiantet e trajtimit te shkarkimeve te lëngëta urbane me kapacitet me te madh se 150 000 ekuivalent banore;
38. Impiante industriale për:
- prodhimi i pulpës nga lendet drusore ose fibrave te tjera te ngjashme;
 - prodhimi i letrës dhe kartonëve me kapacitet prodhues me te madh se 50 tone/dite.
39. Depo për ruajtjen dhe depozitimin e naftës, produkteve te saj, produkteve kimike dhe petrokimike me kapacitet me te larte ose te barabarte me 100 000 tone.
40. Impiantet për trajtimin paraprak (operacione te tilla si larja, zbardhja, mercerizimi), ose ngjyrosjen e fibrave dhe tekstileve, ku kapaciteti i trajtimit është me i larte se 10 tone/dite.
41. Fabrika për trajtimin e lëkurëve, ku kapaciteti i trajtimit është me i madh se 6 tone te produktit te përftuar/dite.
42. Trajtimi dhe përpunimi i synuar për prodhimin e produkteve ushqimore nga:
- lendet e para me origjine shtazore (e te tjera përveç qumështit) me kapacitet te prodhimit te produktit te gatshëm me te madh se 30 tone/dite;
 - lendet e para bimore me kapacitet te prodhimit te produktit te përfunduar me te madh se 250 tone/dite (vlera mesatare mbi baze një te katërtën);
 - trajtimi dhe përpunimi i qumështit, sasia e qumështit te përftuar qe është me e madhe se 100 tone/dite (vlera mesatare mbi baze vjetore);
 - impiant për depozitimin ose riqarkullimin e mbeturinave te kafshëve dhe skeleteve te kafshëve, me kapacitet trajtimi me te madh se 10 tone/dite;

- impianti për trajtimin sipërfaqësor të substancave, objekteve ose produkteve që përdorin solvente organike në veçanti për veshje, printim, mbiveshje, çyndyresim, kundër depërtimit të ujit, bojërave, pastrim ose ngjeshje me një kapacitet më të madh se 100 tone/vit.

SHTOJCA 2

VEPRIMTARI QË I NENSHTROHEN PROCESIT TË PERMBLEDHUR TË VLERESIMIT TË NDIKIMIT NË MJEDIS

1. Bujqësia, silvikultura dhe akuakultura:

- a) Projekte për restaurimin e zonave rurale
- b) Projekte për përdorimin e tokave jobujqësore ose zonave gjysmenatyrore për qëllime të bujqësisë intensive;
- c) Projekte të menaxhimit të ujerave për nevoja bujqësore duke përfshirë projektet e vaditjes dhe drenazhimit të tokës;
- ç) Pyllëzimi dhe shpyllëzimi për qëllimet e ndryshimit të destinacionit të përdorimit të tokës;
- d) Fermat intensive të peshkimit.

2. Industria nxjerrëse:

- (a) Gurorë, miniera të hapura (kariere) dhe nxjerrje tarte (projekte që nuk përfshihen në shtojcën 1);
- (b) Minierat nëntokësore;
- (c) Nxjerrja e mineral - inerteve nga drenazhimi detar dhe lumor;
- ç) Shpimet e thella, në veçanti:
 - shpimet gjeotermike;
 - shpimet për furnizimet me ujë, duke përjashtuar shpimet për të kontrolluar qëndrueshmërinë e tokës;
- (d) Objekte sipërfaqësore industriale për nxjerrjen e qymyrit, naftës, gazit natyror, si dhe rërës bituminoze.

3. Industria energjetike (projekte që nuk përfshihen në shtojcën 1):

- (a) Impiantet industriale për prodhimin e energjisë elektrike, avullit dhe ujit të nxehtë;
- (b) Impiante industriale për mbajtjen e gazit, avullit, ujit të nxehtë për transmetimin e energjisë elektrike me ane kabllorsh (projekte që nuk përfshihen në shtojcën 1);
- (c) Ruajtja në sipërfaqe të gazit natyror;
- (ç) Ruajtja nën tokë të gazeve të djegshme;
- (d) Ruajtja në sipërfaqe të lendeve të djegshme të lëngëta;
- (dh) Briketimi industrial i qymyrit dhe i linjtit;
- (e) Impiantet për prodhimin e energjisë hidro-elektrike.

4. Prodhimi dhe përpunimi i metaleve (që nuk përfshihen në shtojcën 1):

- (a) Prodhimi i hekurit të kuq dhe çelikut me derdhje të vazhdueshme;
- (b) Impiantet për përpunimin e metaleve të hekurit;
- (c) Fonderi të metaleve të hekurit;
- (ç) Shkrirjen, duke përfshirë përzierjen e metaleve me ngjyre, përfshirë produktet e rikuperuara (rafinimi, derdhja në fonderi etj.);
- (d) Impiantet për trajtimet sipërfaqësore të metaleve dhe materialeve plastike;
- (dh) Prodhimi dhe montimi i automjeteve dhe prodhimi i motorëve për automjete;
- (e) Molo;
- (e) Impiante për pjekjen dhe sinterimin e mineraleve metalike.

5. Industria minerare: (projekte që nuk bëjnë pjesë në shtojcën 1):

- (a) Furrat e koksit (distilim i thate i qymyrit);
- (b) Fabrika për prodhimin e çimentos;

- (c) Fabrika për prodhimin e qelqit dhe të fibrave të qelqit;
 - (ç) Fonderi për shkrirjen e substancave minerare që përfshin edhe fibrat minerare;
 - (d) Prodhimi i produkteve qeramike me ane të djegies, tjegulla çatie, tulla, tulla refraktare, tjegulla, veshje guri ose porcelani.
6. Industria kimike (projekte që nuk bëjnë pjesë në shtojcën 1):
- (a) Trajtimi i produkteve të ndërmjetme dhe prodhimi i kimikateve;
 - (b) Prodhimi i pesticideve dhe produkteve farmaceutike, bojërave dhe varakut, elastomereve dhe peroksive;
 - (c) Objektet e magazinimit për qëllime tregtimi apo ruajtjeje për naftën, produktet e naftës dhe produktet kimike.
7. Industria ushqimore:
- (a) Prodhimi i vajrave dhe yndyrave shtazore dhe bimore;
 - (b) Paketimi dhe ambalazhimi i produkteve bimore;
 - (c) Prodhimi i produkteve bulmetore;
 - (ç) Fermentimi i birrës;
 - (d) Prodhimi i shurupëve dhe ëmbëlsirave;
 - (dh) Fabrikat për peshkun dhe vajin e peshkut;
 - (e) Fabrikat e sheqerit.
8. Industria e lëkurëve, drurit dhe letrës:
- (a) Fabrikat për prodhimin e letrës (për projekte që nuk bëjnë pjesë në shtojcën 1);
 - (b) Impiante për paratrajtimin (larja, zbardhja, mercerizimi) ose lyerja e fibrave dhe tekstileve;
 - (c) Impiante për trajtimin e lëkurëve dhe thundrave;
 - (ç) Impiante për përpunimin dhe prodhimin e celulozës.
9. Industria e gomës:
- Prodhimi dhe trajtimi i produkteve me baze elastomeri.
10. Projektet e infrastrukturës:
- (a) Projekte të zhvillimit industrial;
 - (b) Projekte të zhvillimit urban, duke përfshirë ndërtimin e qendrave të blerjes dhe parkimet e automjeteve;
 - (c) Ndërtimi i hekurudhave, faciliteteve intermodale të transportit dhe terminaleve intermodale (projekte që nuk bëjnë pjesë në shtojcën 1);
 - (ç) Ndërtimi i fushave për avionë (për projekte që nuk bëjnë pjesë në shtojcën 1);
 - (d) Ndërtimi i rrugëve, porteve dhe instalimeve në porte, duke përfshirë edhe portet e peshkimit (projekte që nuk bëjnë pjesë në shtojcën 1);
 - (dh) Ndërtimi i kanalizimeve ujore në toke, që nuk përfshihen në shtojcën 1;
 - (e) Damesat dhe instalime të tjera të projektuara për të mbajtur ujë ose për ta ruajtur atë për një kohë të gjatë (projekte që nuk përfshihen në shtojcën 1);
 - (ë) Tramvajet, ashensorët dhe hekurudhat e nëndheshme, të përdorura vetëm ose kryesisht për pasagjere;
 - (f) Vaji dhe tubacionet e instalimit të gazit (projekte që nuk përfshihen në shtojcën 1);
 - (g) Puna në bregdet kundër erozionit dhe punimet që do të ndryshojnë bregdetin gjatë ndërtimit, si për shembull, molot dhe punime të tjera mbrojtëse detare, duke përjashtuar mirëmbajtjen dhe rikonstruktimin e punimeve të tilla;
 - (gj) Nxjerrja e ujerave nëntokësore dhe skemat e rimbushjes artificiale të ujerave nëntokësore që nuk përfshihen në shtojcën 1;
 - (h) Puna për transferimin e burimeve ujore midis baseneve të lumenjve që nuk përfshihen në shtojcën 1.
11. Projekte të tjera:

- (a) rruge permanente qe përdoren për testimin dhe garat e mjeteve te motorizuara; instalimet për eliminimin e plehrave (projekte qe nuk përfshihen ne shtojcën 1);
- (b) impiante për trajtimin e ujerave te ndotura (projekte qe nuk përfshihen ne shtojcën 1);
- (c) instalimet për grumbullimin e plehrave (projekte qe nuk përfshihen ne shtojcën 1);
- (ç) depot për ruajtjen e mbeturinave te hekurit, duke përfshirë skeletet metalike te makinave te data jashtë përdorimit;
- (d) instalimet për prodhimin e fibrave minerare artificiale;
- (dh) instalimet për rikuperimin ose shkatërrimin e substancave eksplozive;
- (e) vendet e depozitimit te mbetjeve industriale;
- (ë) vendet qe përdoren për grumbullimin e kafshëve te ngordhura ose te padëshirueshme;
- (f) industri ushqimore qe nuk bëjnë pjese ne shtojcën 1.

12. turizmi dhe koha e lire:

- (a) teleferikët e skive, makina me kablllo dhe zhvillime te shoqëruara me këto lloj veprimtarish;
- (b) portet turistike;
- (c) fshatra turistike dhe komplekset e hoteleve jashtë zonave urbane dhe te zhvillimeve te shoqëruara me këto lloj veprimtarish;
- (ç) vende (zona) te karvanëve dhe kampeve;
- (d) parqet zbavitëse.

SHTOJCA 3

KRITERET E PERZGJEDHJES

1. Karakteristikat e projektit

Karakteristikat e projektit duhet te merren ne konsiderate, veçanërisht këto qe vijojnë:

- madhësia e projektit;
- ndikimi i kombinuar ne mjedis me projekte ekzistuese dhe ose te ardhshme;
- përdorimi i burimeve natyrore;
- gjenerimi i mbeturinave;
- ndotja dhe shqetësimi;
- rreziku për aksidente, bazuar kryesisht ne substancat dhe teknologjitë e përdorura.

2. Vendndodhja e zbatimit te projektit

Ndjeshmëria mjedisore e zonave gjeografike qe mund te ndikohen nga projekti duhen marre ne konsiderate, veçanërisht ne:

- përdorimi ekzistues i tokës;
- bollëku relativ, cilësia dhe kapaciteti regjenerues i burimeve natyrore ne zone;
- kapaciteti absorbues i mjedisit natyror duke i kushtuar vëmendje te veçante zonave te mëposhtme:

- (a) ligatinat;
- (b) zonat bregdetare;
- (c) zonat mal ore dhe pyjore;
- (ç) parqet dhe rezervatet natyrore;
- (d) zona veçanërisht te mbrojtura;
- (dh) zona ne te cilat standardet e cilësisë ne mjedis kombëtare dhe te BE-se janë tejkualuar;
- (e) zona me popullsi te dendur;
- (f) peizazhe me rëndësi kulturore, arkeologjike dhe historike.

3. Karakteristikat e ndikimit te mundshëm

Ndikimet e mundshme te projekteve duhen shqyrtuar ne përputhje me kriteret 1 dhe 2, por duke u bazuar veçanërisht ne:

- shtrirja e ndikimit (zona gjeografike dhe shtrirja ne distance e popullatës se ndikuar);
- natyra ndërkufitare e ndikimit;
- madhësia dhe kompleksiteti i ndikimit;
- gjasat e ushtrimit te ndikimit;
- zgjatja, shpeshësia dhe thyeshmëria e ndikimit.